




ԵԿԵՂԵՑԱԿԱՆ ԲԵՄ. ԼՈՒՐԵՐ

Օգոստոսի 2-ին, կիրակի.—Այսօր Մայր տաճարում, Ավագ խորանի վրա ս. պատարագ է մատուցում տ. Մովսիս վրդ. Սարգսյանը և «Հայր մեր»-ից առաջ քարոզ է խոսում «Երաւոր պատշաճ»-ի:

Ս. Պատարագին ներկա էր Վեհափառ Հայրապետը:

• •

Օգոստոսի 5-ին, չորեքշաբթի.—Այսօր Վեհափառ Հայրապետը, շուրջ մեկամսյա ամառային հանգստի է մեկնում Կիսլավոդսկի «Կրասնիե կամնի» առողջարանում:

Այս առթիվ Վեհափառ Հայրապետին ուղեկցում էր Սբ. Հովհաննէ վանքի վանահայր Տ. Մասիս վրդ. Գալստյանը՝ որպէս գովազաւանակիր:

• •

Նույն օրը Վեհափառ Հայրապետի հանձնարարությամբ ուխտավորաբար Մայր

Աթոռում գտնվող տ. Հովնան արեղա Տերտերյանը մեկնում է Բեյրութ, Մայր Աթոռ Ս. Էջմիածնի հոգևոր ճեմարանի համար ուսանողների ընդունելություն կատարելու համար:

• •

Օգոստոսի 9-ին, կիրակի.—Այսօր Մայր տաճարում, Ավագ խորանի վրա ս. պատարագ է մատուցում տ. Ստեփանոս արեղա Զաքարյանը և «Հայր մեր»-ից առաջ քարոզում «...և թող մեզ զպարտիս մեր, որպէս և մեք թողումք մերոց պարտապանաց» Տերունական աղոթքի բնաբանով:

• •

Օգոստոսի 16-ին, կիրակի.—Վերափոխումն Ս. Աստուածածնի.

Այսօր Մայր տաճարում մեծ տոնի առիթով Ավագ խորանի վրա ս. պատարագ է

մատուցում Մայր տաճարի լուսարարապետ տ. Հոսիկ արքեպս. Սանթրոյանը:

Հավարտ ս. պատարագի կատարվում է «Օրհնութիւն խաղողոյ» կարգը՝ նախագահությամբ պատարագիչ արքայանի:

Օգոստոսի 17-ին, երկուշաբթի.—Յիշատակ մեռելոց. Այսօր Մայր տաճարում, Ավագ խորանի վրա, ս. պատարագ է մատուցում Տ. Խաչատուր քնն. Ֆրանգյանը:

Ձկնի սրբոյ պատարագի կատարի հոգեհանգիստ վասն համօրէն ննջեցելոց:

Նոյն օրը Միլանից ուխտավորաբար Մայր Աթոռ է ժամանում հայոց հոգևոր հովիվ Տ. Սարգսի քնն. Սարգսյանը:

Օգոստոսի 23-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Բարսեղ քնն. Ղազարյանը:

Օգոստոսի 26-ին, չորեքշաբթի.—Այսօր Վեհափառ Հայրապետը Կիսլովոդսկի «Կրասնի կամի» առողջարանում հանգրտանալուց հետո վերադառնում է Մայր Աթոռ: Վեհափառ Հայրապետին ողջեցում էր Տ. Մասիս վարդապետ Գալստյանը:

ԱՅՏՅԵԼՈՒԹՅՈՒՆ ԼԵՆԻՆԳՐԱԴ

Վերջերս, մի շաբաթով, Մայր Աթոռի Գերագույն Հոգևոր խորհրդի ատենապետ Տ. Սիոն արքեպ, Մանուկյանը՝ Լենինգրադի ոռոսաց Անտոնի միտրոպոլիտի հրավերով, այցելում է Լենինգրադ, ծանոթանալու համար տեղի հոգևոր, եկեղեցական կյանքին, ինչպես նաև դիտելու պատմական կոթողներն, հուշարձաններն ու թանգարանները:

Այս առթիվ Սրբազան հորը ողջեցում էին Մայր Աթոռի միաբաններ Տ. Ստեփանոս արք. Չաքալյանն ու Տ. Չատիկ արք. Ավետիքյանը:

Սրբազան հորը Լենինգրադի օղանավակայան, հանուն Անտոնի միտրոպոլիտի, դիմավորելու և քարի գալուստ մաղթելու էին եկել Միլիտոն արքեպիսկոպոսը և Եվգենի քահանան:

Օգոստոսի 27-ին, հինգշաբթի.—Այսօր Միլանից և հյուսիսային Իտալիայի այլ քաղաքներից Վեհափառ Հայրապետին են այցելում 39 զբոսաշրջիկներ, որոնց մեջ՝ երեք հոգևորականներ: Խմբի ղեկավարն էր Միլանի թեմի Էկոմենիկ հարաբերությունների բաժնի վարիչ դոկտ. Ֆրանկո Փիցցակալին:

Հայոց Հայրապետի և խմբի անդամների միջև տեղի է ունենում ջերմ հարցազրույց:

Հայաստանում գտնվելու օրերին այցելուներին ողջեցում էր Միլանի հայոց հոգևոր հովիվ Տ. Սարգիս քնն. Սարգսյանը:

Օգոստոսի 28-ին, ուրբաթ.—Այսօր հոգևոր ճեմարանում 1981—1982 ուսումնական տարվա համար, ճեմարանի տեսուչ Տ. Եզնիկ քնն. Պետրոսյանի նախագահությամբ և մի քանի դասախոսների մասնակցությամբ, տեղի են ունենում քանակոր և գրավոր ընդունելության քննություններ:

Օգոստոսի 30-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Նարեկ քնն. Մատարյանը և «Հայր մեր»-ից առաջ խոսում «հավիտ պատշաճի» քարոզ:

Ս. պատարագին ներկա էր Վեհափառ Հայրապետը:

Այցելության օրերին Սրբազան հայրը, իր ողջեցիների հետ միասին, մի քանի անգամ ներկա է լինում ոռոս եկեղեցական արարողություններին, ինչպես նաև Սրբազան պատարագի արարողության Ալեքսանդր Նևսկի Մայր տաճարում:

Ռոսս եկեղեցական կյանքին մոտիկից ծանոթանալուն զուգահեռ, Սրբազան հայրը այցելում է նաև «Էրմիտաժ», «Պետրոպոլիտեց» ամստային պալատ, Եկատերինայի պալատ Պուշկին-Պավլովսկում, Պետրո-Պավլովսկ ամրոցն ու եկեղեցին, Ս. Իսահակի Մայր տաճար, Ռոսական թանգարան և այլուր:

Սրբազան հայրը այցելում է նաև տեղի հայոց եկեղեցին և հայկական գերեզմանատուն և «Հոգւոց» արտատաճում հայ ննջեցյալների համար:

Տ. Սիոն արքեպիսկոպոսին, իր առաջնորդարանում ընդունում է Անտոնի մետրոպոլիտը, նախ բարի գալուստ է մաղթում հայ եկեղեցու բարձրաստիճան հյուրին և նրա ուղեկիցներին և ի պատիվ նրանց ճաշկերույթ կազմակերպում:

Ընդունելության ժամանակ Սիոն Սրբա-

զանը Անտոնի միտրոպոլիտին նախ փոխանցում է Հայոց Հայրապետի ողջուններն ու օրհնությունը և հետո շնորհակալություն հայտնում շատ ջերմ ընդունելության և հյուրասիրության համար: Սրբազան հայրը լավագույն տպավորություններով վերադառնում է Մայր Աթոռ:

